

穀類

稻有粳糯二種粳之類曰香秈珍珠稻性柔而味

香珍珠粳稍圓而色白芒烏芒鼠齒黏稻有青

澤皆種之最美者白芒烏芒鼠齒黏稻有青

黏花黏銀黏油黏之別以早禾山禾亦曰坡稻

其種來自占城故皆曰黏於山中燔林積灰和土而播種焉不加灌溉既糯

自然秀實連歲有收地瘠乃棄之更擇別處之類曰光頭九里香白糯黃糯大糯小糯 黍

之類曰金黍一名黃黍牛黍 稷之類皆名爲粟曰

鴨脚粟宜釀酒狗尾粟歲再熟 麥之類惟有小麥

一種 梁之類曰白梁赤梁今人少種以其損

菽之類總名爲豆曰赤豆黃豆白豆本草一

烏豆烏豆宜爲豉出 菘豆柳豆枝葉如柳刀豆

藟豆花有紅白二種 噴噴豆壓草豆豇豆花紅白二色

俗呼爲袍帶 豆參郡志

薏苡米多出儋州崖州瓊人每以爲糧舊志

芝麻有黃黑白三種玉篇云藤苳胡麻也郡志

芋有坡水二種坡曰麩芋曰鷄母芋曰東芋水曰

水黎芋銀芋春種夏收夏種冬收皆以當中出

苗者爲芋母四圍附之而生者爲芋子亦可爲

糧然其性不及番薯和平舊志

甘藷葉如芋實如拳有大如甌者皮紫而肉白蒸



煮食之舊珠崖地不業耕稼惟種甘藷俗熟收之蒸晒切如米粒貯之是名甘藷糧南方草木狀

薯蕷山藥也有四種曰鹿蔓鈴邊蔓黎蔓味佳或種三年

始收扁蔓郡志

蒔蕒即本草黃藥子色紅味苦有毒火灰水浸三

宿乃可食亦可染色郡志下全

甜娘一名木老其花如蓼莖枝有毛土人取實晒

乾用又名豆稜仙上三種可救荒

南椰麪多出定安瓊人以南椰粉為飯曰椰霜飯

南椰與椰子樹不同其精液形色氣味皆類藕

蕨粉本草以為莎木麪也

瓊山縣志 卷三下 輿地八 物產 穀蔬一

番薯種自番國攜來以蔓埋地即生其葉可為菜

根似山藥皮有紅白二種終年食之精神不減

郡人嘗以釀酒以上俱郡志

蔬類

甜菜即蒼達本草云莖灰淋汁洗衣白如玉郡志

苦菜一名茶草一名選一名游冬生於寒秋經冬

歷春乃成月令孟夏苦菜秀是也葉似苦苣而

細斷之有白汁花黃似菊爾雅疏

薤菜葉如落葵而小治治葛毒南方草木狀

茼蒿菜本草云動風氣薰人心令人氣滿不可多

食儋州志



東風菜裴淵廣州記云宜肥肉作羹香氣似馬蘭  
味如酪此菜先春而生故名郡志

菠薐菜即菠菜一名赤根菜劉禹錫云種出自西  
國有僧將其子來云是顯陵國之種語訛為菠

菘耳嘉話錄

苦蕒菜即劉易所嗜蠶蛾出時不可用郡志

地蓬菜一名地春雨生荒野中儋州志

鹿耳菜生曠野沙地花黃如菊土人取葉去毛羹

食出萬州郡志

芫荽一名胡荽張騫使西域得其種歸種之故有

胡名道家以為五葷之一舊志增

瓊山縣志

卷三下

輿地人 物產 蔬 三

草撥葉如蓂實類桑椹東坡云閩挑草撥根是也

郡志

海粉海岸有蟲食苔蘚所化從背後吐出有五色

以綠色為佳可治痰全上

綠菜 草薺菜 頭髮菜 銀蕒 牛荳並舊志形

體性味俱未詳候後查考

芥蘭甘辛如芥葉藍色鍊之能出鉛又名隔藍雜記

蓬生果名乳瓜土人又名木瓜一名萬壽果樹高

一二丈如椶櫚葉如蒲葵近頂節節生葉類木

瓜而色青皮嫩微有楞肉白多脂摺之乳隨出

醬食甚脆子如蠶矢二月下種數月即高大果



少則以刀斫其根其樹皮可食如蘿蔔蜜浸尤佳同上

石髮菜出海石上纖長似絲縷虞衡志

茄隋煬帝名為崑崙紫瓜又有白色者為銀茄黃

山谷詩云珍蔬長帶色勝銀南方草木狀云交

廣草木經冬不衰故蔬圃之中種茄有宿根三

四年者漸長枝幹成樹郡志

芹有水芹旱芹水芹一名水英杜甫詩云香芹碧

澗羹蓋美芹之功而列子言鄉豪嘗芹蜚口慘

腹蓋未得食芹之法耳本草綱目

鹿角菜生南海中石厓間長三四寸大如鐵線分

瓊山縣志 卷三下 輿地八 物產 蔬 四

了如鹿角狀紫黃色土人采曝貨為海錯同上

越志云猴葵一名鹿角蓋鹿角以形名猴葵因其性滑也○郡志

芥菜有青白紫花數種儋州志

生菜形似萵苣可捲肉餅郡志下全

莧菜爾雅謂之藟又有野莧馬齒莧紅莧食忌鼈

蘿菜一名蘆菔一名來服有大小數種惟大者

甘美可食郡志增

魚鱗菜有大葉小葉二種葉大者苗蔓交加施於

榛棘其葉可以煮食郡志增

薑紅白二種又有高良薑黃薑山薑

葱有乾葱水葱珍珠赤白二種即爾雅山蒜



韭通志謂之草鍾乳其美在黃忌同牛肉煮食之

生寸白蟲增郡志

薤葉類葱而根如蒜儀禮云葱薤之屬食之止卧  
筍類甚多然味皆苦惟麻竹刺竹數種常以充饌  
菌俗名菰有甜菰赤米菰梅花菰紅赤白三色白  
佳若食中蛇毒者搗芝麻調服即愈

木耳生桑樹者治痢生火殃樹者治瀉生梅樹者  
治腹痛生於朽木者俗名木耳菰

田艾葉如艾而細生田畔俗拌米搗粉為餠飪上以  
俱郡志

蒜一名葫一名大蒜葉如蘭莖如葱根如水仙八

瓊山縣志

卷三下

輿地八

物產蔬

五

月分辨種之當年便成獨顆及熟每囊五七瓣  
或十餘瓣亦有獨顆者苗嫩時可生食羣芳譜

按蒜有大小而形性迥別爾雅翼云大蒜為  
葫小蒜為蒜今俗混稱為一固非又古今注  
云胡國有蒜十許子共為一株籜幕裹之名  
為卵蒜則二蒜俱出於胡而孫愐唐韻以為  
大蒜得自西域小蒜中土舊有亦非也

藕苗根葉并如蹲鴟而葉差圓根倍大莖用鹽按  
杪略去其汁同猪肉炒食味甚甘美亦治血痢

新

增瓜類



冬瓜一名白瓜附地蔓生長者如枕圓者如斗春種不若冬種結瓜肥好今海南多以十一月種至三四月即鬻於市呼東瓜者非參郡志

西瓜一名寒瓜肉有紅白二色善解暑梁滕雲恭母患熱思寒瓜不能得遇一桑門以一遺之即

此瓜也舊志增下全

南瓜形橫圓而豎扁色黃有白紋界之微凹可以

和肉作羹亦可釀酒種出南番故又名番瓜  
絲瓜皮上有稜肉多筋絲長止數寸嫩者煮熟加薑醋食或同鷄鴨猪肉炒食并佳老則根絲羅織枯而無味止堪滌器又有一種圓徑寸許長

瓊山縣志 卷三 下 輿地八 物產瓜 六

一二尺皮上無稜烹之水漬甚多者名水瓜俗呼醋瓜其性味亦與絲瓜同上俱同上

苦瓜原出南番今閩廣皆種之五月下子生苗引蔓卷鬚如葡萄八月開黃花五瓣如碗結瓜長者四五寸短者二三寸青色皮上痲如癩及荔枝殼狀熟則自裂內有紅瓢其味甘中有子形如冬瓜子本草綱目

王瓜即土瓜也月令鄭註作萁羣芳譜云一名

老鴉瓜苗嫩時可茹子長寸餘生青熟赤紅舊志增

斑瓜有青白斑數種形似水瓜而皮光澤可生食



甜瓜一名甘瓜一名果瓜五燈會元云甜瓜微蒂

甜以其味非諸瓜比故獨得此名舊志增

香瓜似甜瓜而短有黃白青數色小而圓者極香

上全

丹瓜野蔓生葉似黃瓜而小俗謂之坡瓜郡志

壺盧俗作葫蘆有長柄亞腹二種可制為器參郡志

瓠有甘苦二種甘者大苦者小正字通

匏即瓠之苦者以竹貫之則為笙亦可腰以渡水

太康地記云朱崖儋耳無水惟種大匏藤斷其

汁用之其物比窮陸之木為尤奇舊志增。以上三種舊志

瓊山縣志 卷三下

統作瓠蘆

按壺與瓠匏皆瓜屬陸農師云短頸大腹曰

瓠長而瘦上曰匏似匏而肥圓者曰壺瓠可

食匏不可食壺則嫩者可食老者不可食劉氏

錄曰壺嫩者可供茹種類雖似不同然古今注云匏瓠

也則瓠亦可名匏說文云瓠匏也則匏亦可

名瓠毛詩傳注云壺瓠也則瓠又可名壺至

本草於苦瓠則云一名苦匏一名苦壺盧則

合瓠匏壺而為一大抵此等瓜類前人原無

甚區分後人別而出之亦欲操桔槔者知所

審識云爾



鷓鴣瓜野生高不滿尺實似王瓜熟紅色味佳云

鷓鴣食之故名通志

果類

荔枝實大如鷄子肉白如肪甘而多汁夏至時翕

然俱赤則可食也草木狀。又莊綽云。海南有無核荔枝。

龍眼殼青黃色形圓如彈丸核如木梳子而不堅

肉白帶漿其甘如蜜一朵五六十顆作穗如葡

萄然荔枝過則龍眼熟故謂之荔奴言常隨其

後也

椰子樹高五六丈實小者如栝萇大者如寒瓜有

粗皮包之皮內有核圓而黑潤甚堅硬厚二三

瓊山縣志 卷三下

興地八 物產果 八

分殼內有白肉瓢如凝雪味甘美如牛乳瓢內

空處有幾數合清美如酒其殼磨光有斑纈點

紋橫破之可作壺爵縱破之可作瓢杓俱同上

波羅蜜有乾溼二種自蕭梁時西域達奚司空攜

子二枚栽於南海廟由是傳諸各地無花結實

其大如斗一實有核數百外膚礪砢如佛髻剖

而食之味極甘核中仁如栗可燻食明宣德間

充貢正統中詔止又番波羅其葉可織為麻布

此是草本與木本異郡志纂

梅似杏實小如彈熟則黃微甘酸可啖曝乾為腊

含之口香舊志增



桃西方木也二月開花有紅白粉紅深粉紅之殊  
爛漫芳菲其色甚媚實多毛微酸而甘多食令  
人有熱全上。瓊州桃八  
月亦花但不結實

李東方木也花白多子性難老枝雖枯子亦不細  
其味甘酸苦澀不沈水者有毒不可食全上

楊梅北戶錄名杔子以細核為佳故庾信小園賦  
有細核楊梅之稱瓊屬所產形小味酸而核亦  
不甚細古人稱越地楊梅指浙東之越非粵東  
之越也郡志

蒲萄史稱張騫使月氏傳其種以西北為美瓊種  
小而酸全上

瓊山縣志 卷三 下 異地八 物產 果 九

榴出塗林安石國張騫使西域得其種歸種之樹  
不甚高大而多孫枝五月開花實圓如毬頂有  
尖瓣秋後經霜自裂子淡紅潔白者味甘可食  
紅如硃砂者味酸只堪入藥又有海榴生於海  
外樹僅二尺結實亦與榴同千葉者不結實舊志

柰一名類婆樹與葉皆如林檎而實稍大有丹白  
二色味酸微帶澀夏熟多食令人肺寒膨脹病  
人尤甚全上。按柰西土  
最饒而瓊地罕有

棗皮粗葉小根所到處萌葉悉生五月開小花淡  
黃色花落即結實生乾皆可食其味甘甜全上



枇杷一名盧橘樹高丈餘肥枝長葉形似琵琶故名冬開白花三四月成實簇結有毛味甜而鮮白者為上黃者次之全

柿樹高大枝繁葉大圓而光澤四月開小花黃白色實八九月熟生者澀不堪食納諸器中俟其紅如火烘則性不復澀味甘如蜜全上。郡志引廣志以君

遷子即柿非也君遷乃柿之小者見吳郡賦注

柚柑屬也以產海北者佳瓊柚多白瓢無紅瓢即傳種亦變白郡志

橙樹高枝葉不甚類橘亦有刺其實大者如盃頗似朱欒經霜早熟色黃皮厚香氣馥郁事類合璧

瓊山縣志

卷三

下

輿地八

物產

果

十

柑乃橘之屬滋味甘美特異者也有黃者有蘋者蘋者謂之壺柑草木

橘白華赤實皮馨香有善味其小而黃者名金橘剝皮則酢合食則甘草木狀羅浮記

香櫟一名鈎緣子形如瓜皮如橙金色土人重之極芬香肉甚厚白如蘆菔草木狀

芭蕉凌冬不凋中抽幹長數尺節節有花花褪葉根有實去皮取肉軟爛如綠柿極甘冷四季實

一名牛子蕉又有鷄蕉子小如牛蕉亦四季實有芽蕉子小如鷄蕉尤香嫩甘美秋初實虞衡志

黃彈子色黃味酸粵中見聞作黃淡子舊志



洋桃種自大洋來有甜酸二種樹高二三丈花紅色實五瓣然亦有六瓣七瓣者始產閩中今瓊地亦處處有之虞衡志謂之五稜子本草謂之

五斂子全

黃皮果大似龍眼又名金彈子皮黃白有微毛瓢

白如肪有青核數枚味酸甘食荔枝太多以黃

皮解之通志

山竹子狀類菩提色黃味酸甜似栗可釀酒舊志

木杓一名木類俗呼木赤柴形如黃皮瓢有紅白

二種郡志

甘蔗長者六七尺短者三四尺叢生莖似竹而無

瓊山縣志卷三下

輿地八 物產 果 十一

枝葉聚於顛皮有白紫二種白蔗一名蠟蔗大

者可啖小者作糖紫蔗即崑崙蔗不堪作糖止

可生啖瓊產自七月至次年三月均可食十月

以後其味漸甘舊志

木膽舊志

錐栗山栗之頂圓而末尖者山蠶食其葉作繭甚

美文昌謂之牛錐舊志

餘甘子樹大葉細似槐實若李而小咀之前苦後

啖啖有味故號為餘甘益部方物畧記

倒捻子葉如苦李花似蜀葵小而深紫南方婦女

多以染色子如軟柿外紫內赤無核上有四葉



食者必捨其蒂故謂倒捨子東坡改名海漆大業拾遺訛作都念子荷葉寮雜記

不納子似黃熟小梅絕易爛爛即破肉附核可為

經珠似菩提子虞衡志

橄欖一名青果一名諫果樹高大數圍葉如櫟柳

二月開花結子狀如長棗兩頭皆尖色青秋方

熟味雖苦澀咀之芳馥勝含雞舌香又有一種

色青黑而微大者曰烏欖亦名木威子取其肉

醃為菹名曰欖醬味亦雋生津解毒功用與橄

欖同舊志增

蓮實俗謂蓮子在房中如蜂子在窠六七月採者

瓊山縣志

卷三下

輿地八

物產

果

十三

脆美上

菱一名芰一云兩角者菱三角四角者芰陸佃詩疏皆

三月生蔓延浮水上五六月開花黃白色花落

實生漸向水中乃熟羣芳譜

昌漢子府志作藏漢果樹多刺子熟鮮紅圓如珠味甜澀

本條州志

菩提子狀如北地沙果味香甜郡志

土檀狀類木似熟紫色澄邁志

坡果莖如芥花紅根實如柿味類蓮黃通志

鳳凰子搗以為餅味如乳酥臨高志

千歲子有藤蔓出土子在根下鬚綠色交加如織



其子一苞恆二百餘顆皮殼青黃色殼中有肉如栗味亦如之乾者殼肉相離撼之有聲似肉

荳蔻草木狀

落花生俗名地荳一名長生果蔓生吐黃花花瓣

落地即生莢於根莖間狀如赤荳長及寸殼有

皺紋中有紅衣裹仁或三或四生熟皆可食亦

可榨油土人掘沙取之郡志

檳榔樹如椰而小花五月開有香氣實堅圓如雞

子味苦辛而澀以扶留藤古貢灰合食則滑美

俗重此物婚姻交際必先之其腹大而扁者曰

大腹子檳榔向陽大腹向陰本陶隱居種類雖殊然

瓊山縣志 卷三下

性味亦復相似古貢灰即蠟蚌灰也今人更以荔枝嫩葉搗成茶餅加八食之

郡志纂

蜜林禽實大如拳外皮礪礪色青一實有數十核

瓢白子黑其甜似蜜瓊人呼為番荔枝郡志

佛手柑木如朱欒葉尖長有刺皮黃若橙肉白如

肪香最清烈羣芳譜

蒲桃樹高二三丈其葉如桂四時有花結實如蘋

果絕芳甜核與殼不相連屬搖之作響羅浮記

番石榴皮色青黃瓢色紅亦有白者中多子細如

米粒味甘而氣臭土人酷嗜之文昌志云食之

發麻瘋恐未必然郡志



酸梅高一二丈葉如槐實酢土人搗以為醬新

椾果高二三丈葉長而光澤實圓扁微長生青熟

黃帶皮食之甚甘毳中有一核其形亦與實等

麻嘴子高丈許葉深綠質大如指頭初熟淡黃黃

透則微帶紫肉紅而薄味酸甜中有一核嚼之

甚麻嘴小兒喜食取其實去殼與核吞之

眼仁樹高丈餘葉細碎枝條多刺花小而黃實圓

如眼睛中多細核熟則赤味畧甜小兒喜食水

理細白而堅重可作舂米椎俱同上

花類

蘭有青紫碧三種紫梗青花為上青梗青花次之

瓊山縣志 卷三 下

輿地八 物產果花 十四

紫梗紫花又次之葉皆勁健特起四時常青光

潤可愛羣芳譜

茉莉有單瓣雙瓣寶珠千葉重臺諸種花似薔薇

之白者香符於素馨宜六月六日種重臺者香

似黃檀味更厚參郡志

素馨與茉莉花皆胡人自西域移植南海南人愛

其芳香競植之本名那悉茗花較茉莉略小而

香或過之閨閣晚妝摘其蓓蕾以絲縷穿花心

繞髻為飾在髻上始盛開見月光而益艷得人

氣而益馥亦奇卉也舊志增

青撒莉本名夜來香蔓生蓓蕾數十朵成簇日八



始開花五瓣淡黃色其香以夜亦如素馨郡志

菊花本作菊品最多有黃白紅紫粉紅間色淺深

大小之殊大要以黃為上白次之本羣自十月

至次年正月俱有花東坡所謂海南氣候不常

菊花時即重陽也舊志增

除藤身灌生青莖多刺一穎三葉如品字形花

青跗紅萼開時變白大朵干瓣香微而清盤作

高架二三月間爛漫可觀本名茶蘼一種色黃

似酒故加酉字羣芳譜

薔薇叢生莖青多刺其色或白或紫或黃連春接

夏清馥可人又花可蒸露郡志

瓊山縣志 卷三下 輿地八 物產 花 十五

石榴花有大紅粉紅黃白四色羣芳譜

海棠有貼梗垂絲西府木瓜四種皆無香而色甚

嬌媚又秋海棠一名八月春其色亦如美婦西

府垂絲粵中不可多得秋海棠處處有之郡志

賽蘭即鷄爪蘭長二三尺莖葉紛披甚弱種之盆

盎以竹圈數重護之花如珍珠一枝輒作數串

又以其來自暹羅解謂之東京蘭郡志

紫薇樹身光滑花六瓣色微紅紫皺每瓣各一帶

蠟跗茸萼赤莖葉對生四五月始花接續可至

八九月故又名百日紅省中多植此花取其耐

久且爛漫可愛也羣芳譜



蓮花紅白二種又西番蓮粉碧色舊志

夜合一名合歡枝甚柔弱葉纖密圓而綠似槐而

小相對生至暮而合枝葉互相交結風來輒解

五月開花樹之庭階使人釋怨羣芳譜

佛桑一名扶桑高四五尺枝葉婆娑如桑花有紅

黃白三色又有朱槿赤槿等名以此花與槿相

彷彿也

木槿一名舜一名朱槿一名朝開暮落花木若李

高五六尺葉繁密如桑花大如蜀葵有藥一條

出花外上綴金屑日光所爍疑若焰生一枝之

上日開數百朵有深紅粉紅白色單葉千葉之

瓊山縣志 卷三下 輿地六 物產 花 十六

殊上俱同

七里香木高數尺凌冬不凋花白香醲未開時似

木樨通雅稱可以辟蠹即芸也郡志

木筆即辛夷花也高丈餘正二月花苞初生長半

寸而尖銳儼如筆頭開透似蓮花而小紫苞紅

焰作蓮及蘭花香有桃紅及紫二色羣芳譜

金錢花即旋覆花秋開黃色朵如錢午開子落又

名夜落金錢梁大同中進自外國今在處有之

又有銀錢一種七月開花同上

蛺蝶花紫色形似蝴蝶微風至搖蕩若飛郡志

玉簪高尺餘葉大如掌團而有尖七月抽莖如白



玉搔頭行形莖上有細葉十餘每葉出花一朵長二三寸木小末大甚香而清朝開暮卷間有結子者羣芳譜

木犀巖桂也葉如梔子而光潔花八九月盛開甚芬烈無子有三葉五葉七葉九葉四種舊志增

木芙蓉一名拒霜樹叢生葉大而花甚紅八九月霜降時開故有拒霜之名又有開時其色數易早白午淺紅暮深紅謂之醉芙蓉郡志

瑞香一名風流樹高者三四尺許枝幹婆娑四時長青冬春之交開花成簇長三四分如丁香狀

羣芳譜

瓊山縣志

卷三下

輿地八

物產花

十七

葵花有蜀葵秋葵二種蜀葵花如木槿而大有深

紅淺紅數色其葉可備蔬茹秋葵高六七尺花

淡黃心常向日朝開午收種類各別舊志增

梅花有青紅二種嶺南地暖冬初即開花皆五出

而粵中見聞云瓊州梅花近有六出與雪花同

同上

萱花即宜男一名忘憂苞生莖無附枝繁蔓攢連

葉四垂花有春夏秋冬四季羣芳譜

含笑花本木其花如蘭形色俱肖花開不滿若含

笑然隨即凋落一種小而色多白者尤香丁謂

詩云草解忘憂憂底事花名含笑笑何人



浮志

丁香木高丈餘葉似櫟花圓細而黃子色紫有雌

有雄雄顆小稱公丁香雌顆大稱母丁香粵東筆記

金鳳花一名鳳仙葉似桃而有鋸齒極間作花狀

如飛禽有紅白紫碧數色婦女以花包染指甲

故亦稱指甲花郡志

換錦花換錦者脫紅換錦脫綠換錦也葉似水仙

冬生至夏而落獨抽一莖二尺許作十餘花或

紅或綠葉落而花故曰脫紅脫綠花落而葉故

曰換錦故又曰脫羅錦全上

山桃生山中花八九月盛開有微香粵中見聞

瓊山縣志

卷三下

輿地八 物產花 六

夾竹桃花本桃類葉如柳枝幹如菜竹而促節終

歲有花不結實其落以花不以瓣落至二三日

猶嬌紅鮮好得水蕩漾朵朵不分開與眾花同

而落與眾花異又曰地開桃以落於地而始開

也同上

繡毬葉青色微帶黑而澀春月開花五瓣百花成

朵團團滿樹有紅白二種羣芳譜

蘆葑葉長邊有刺利封界花抽葉中與葉彷彿色

白清香每瓣胎格有粉雌者結子又名路頭花

可以為蓆澄邁志

梔子一名木丹高七八尺葉似李而堅硬二三月



生白花地種者雙瓣不結實惟生水邊者單瓣  
結實俗呼黃箕可染參澄  
連志

山茶樹高者丈餘低者二三尺葉似木樨花有紅

黃白數種羣芳  
譜

按山茶一名曼陀羅東坡詩花發曼陀羅蓋  
即指此舊志誤分爲二

刺桐花樹高數丈大者合六七人抱身多癭瘤硯

礪磅礴若虬龍狀木不可材故能以老見異花

正紅色先葉而生三月盛開望之滿樹嫣然旁

照他物皆赤豔落地三四日其色不減伐其枝

種之即生郡志

瓊山縣志 卷三下

輿地八 物產 花 九

山牡丹樹高五六尺花四出一簇數十朵跗長寸

許團聚如盞色赤開透後帶黃四時有花五月

尤盛翦枝插之即成雜記謂之山丹花舊志  
增

翦春羅一名翦紅羅蔓生二月生苗高尺餘葉如

冬青入夏開深紅花如錢大凡六出周迴如翦

成茸茸可愛羣芳  
譜

桂花白者名銀桂黃者名金桂紅者名丹桂丹桂

常結子金桂花繁而香尤烈粵中  
見聞

雞冠花有深紫淺紅純白淡黃四色葉頗似白莧

菜五六月開花穗圓長而尖者如青菘之穗扁

卷而平者如雄雞之冠花大有圍一二尺者層



層疊卷最耐久霜後始蕪君華芳譜

水仙花根似蒜頭葉如萱草冬間於葉中抽一莖

莖頭開花數朵大如簪頭色白上有五尖中心

黃此花不可缺水故名同上

杜鵑一名山石榴蜀人號曰映山紅杜鵑啼時始

開故名格物論。按此與水仙非。非土產姑仍舊志存之。

攀枝樹似木棉春開紅花花中亦有綿軟白可作

繡絮舊志增

木蘭一名樹蘭高丈餘花似魚子蘭真珠蘭也而香烈

過之五葉者貴其花不落香且久三葉者其花

不甚香次日即落

瓊山縣志 卷三 下 興地八 物產 花 二十

指甲花有紅白二種樹高五六尺枝條柔弱葉如

嫩榆與那悉茗茉莉香不相上下番人自大秦

國移植於南海而此花極繁細如米粒之半人

多折置襟袖間蓋資其芬馥爾一名撒沫花草木

狀

美人蕉初生似玉簪葉後漸似芭蕉葉而小花似

山丹而深紅日拆一兩瓣瓣末有點鮮綠春開

至秋盡猶芳花而不實其最小可插瓶中者曰

膽瓶蕉郡志興中見

觀音蕉又名觀音蓮葉如芭蕉中心發紅芽初出

如捲旗漸分大瓣如蓮而叢攢不甚開放色鮮



長春花柯生四時開花淡紅色五出

鹿葱花屬類查但無香耳鹿喜食之故以命名芳

譜

按羣芳譜萱葉尖鹿葱葉圓萱莖實心而花

節開鹿葱莖虛心而花並開於頂萱六瓣鹿

葱七八瓣萱與鹿葱各自一種志分爲二是

矣本草註萱云即今之鹿葱萱一名宜男花

木考云俗謂宜男爲鹿葱稽含宜男花序云

荆楚號曰鹿葱並誤

山遊生山中花如蓮花唐志

山縣志卷三下 輿地八 物產花 三

細米 水楊梅 梅桂 鷹爪 盤桃 文書

滿天星 地湧金蓮 海桃 一片玉 水銀

地棠 山含笑 麝臍 水薔薇 鳳凰 紫霄

並舊志 花色氣味俱未詳悉候後查考

風蘭花如水仙黃色從葉上抽作雙朵繫置檐間

不著水土自然繁茂粵東筆記

報喜蘭俗名五爪龍如蠟梅而色紅紫每莖作七

八花遇吉事則開香味亦同諸蘭同上

木棉花正月發蕾似辛夷而厚作金紅深紅二色

藥純黃六瓣望之如億萬華燈燒空盡赤結子

如酒盃老則折裂有絮茸茸土人取以作襦袴



按木棉一名斑枝言花開時枝皆爛斑也或以為即攀枝然攀枝生於中原其樹小木棉生於嶺南其樹大畢竟當分為二種

紅藍花即紅花葉頗似藍故有藍名博物志云張

騫得種於西域今人家場圃多種之花可染紅

又作胭脂主治產後血暈同上

孔雀花樹高可丈許花數十朵一簇紅色有頭翼

尾足若孔雀然對之生寒可以辟暑郡志粵東筆記

百日紅高二三尺葉大逾掌花深紅色一簇數十

朵次第開放百日不絕郡志增

瓊山縣志

卷三下

輿地

物產

花

刺藤灌生莖葉與酴醾同花有紫紅桃紅二色一

枝十餘朵亦有香氣每萌芽抽起皆先花而後

葉人家庭院多植之俗謂之草母花新

草類

苧有紫白二種紫即赤麻白即白麻苗高七八尺皮可績布

每歲三鎌惟二鎌長疾麻亦最好割後即以細

糞壅之宿根在地到春自生君羣芳譜

葛有野生有家種春初生苗引藤蔓長一二丈根

外紫內白大如臂長者七八尺葉有三尖如楓

葉而長花紅紫莢如小黃豆夏月連根採而治

之可作布同上



棉花番似木葉似牡丹花似秋葵實似桃相傳種  
出西番今江以南多有之以春二三月下種種  
生月須三薈至秋生花結實及熟其皮四裂綻  
出如綿以鐵鋌碾去其核取如綿者彈以竹弓  
令其勻細卷為筒就車紡之自然抽緒如纜絲  
狀織以為布張七澤雜佩

按本草棉有草本木本二種此乃草本棉也  
至木本棉即今之吉貝出於交廣織以為布  
實與草本同功然今草本綿衣被天下而木  
本綿賤用之或且聽其飄零有不知其利之  
甚溥者已

瓊山縣志

卷三下

輿地六

物產 草

知風草叢生藤蔓如茅而勁直每葉輒作皺摺或

一二摺或三五摺葉葉皆同凡一摺必主一颶

土人以此草占一年颶風之有無多寡舊志

菖蒲一名昌陽一名菖歎久服可以輕身延年其

葉細而多者曰鬚菖蒲生於水石之間葉有劍

脊者曰石菖蒲服食入藥石菖為上舊志

長生草修莖茸葉色似檜而澤經冬不凋舊志

番蘆葢其葉亦似蘆葢兩旁背脊俱有利旁刺順

而脊刺逆以衛園圃則人畜不能踰舊志

芸香草也類豌豆叢生其葉極芳香秋後葉間微

白如粉南人採置席下能去蚤蝨今謂之七里



香爾雅

按芸一名七里香眾說俱以為草本而木本  
中亦有名七里香者葉如九里香而稍大見  
贊菴筆記郡志於草本之芸不載而以木本  
之七里香為芸謂其可以辟蠹所見不同今  
依舊志兩存之以俟多識者參考

零陵香草土人呼為龍零草野生莖葉皆香信州志

鐵樹高數尺葉如老少年開花如桂而不香或云

此樹週甲子一開開必以丁卯年故有鐵樹開  
花之諺然甚無異致雜記

曼陀羅高尺許莖生花長白末有五尖實圓而有

瓊山縣志 卷三下 輿地八 物產 草 二

刺戲取其花或子入酒能使人發狂用水噴面  
即解土人呼為顛茄郡志

按曼陀羅本山茶之別名此乃俗所呼蠻山  
羅者東坡詩所指不是此種郡志引之似誤

接骨草一名四季花叢生園林中高二三尺莖緣  
有節而圓葉長似楮而尖花白色跌傷骨節搗

爛敷之可以接骨郡志

蠟燭草生野塘間秋沙結實宛與蠟燭相似粵東筆記

燈心草叢生澤地莖圓細而長直瓢虛白蒸熟待

乾可然燈不蒸生剝可入藥葶芳譜

鼓槌草取葉春合酒斲澄邁志



風芋草葉如芋而差小本如芋而加長

蜈蚣草葉生相對如蜈蚣脚

剪刀草生水濱形如尖翹陸放翁詩剪刀草長浮

萍合無數游魚去復回今陸地亦處處有之俱

上

燈籠草即酸漿草苗如天茄子高三四尺葉嫩時

可食花黃白色如盃無瓣實有一殼含之下懸

如燈籠狀羣芳譜

薜荔生古牆及野間老樹延根引蔓澄邁志

斷腸草即鉤吻一名胡蔓草一名治葛生嚼三葉

以上即毒死人急以生羊血或薤菜搗汁灌之

瓊山縣志卷三下 輿地八 物產 草 三五

或以伏卵不生雞雛者細研和香油灌之吐出

毒物則甦遲不可救期志

甜酸草子可食葉可澤銀澄邁志

蓬蒿草種類不一詩騶虞云彼茁者蓬月令云藜

莠蓬蒿並與是也爾雅疏

磋葉蔓生其葉甚澀俗呼澀葉治錫器可使滑澤

舊志增

蒲旦草 護階草 箭頭草 紫背草 雞骨草

馬蹄草 苞芒 茜草 芎草 帽頭草 鴨

嘴草 牛筋草 金縮草 營草並舊志 箭頭雞

骨馬蹄帽頭鴨嘴牛筋或以形似名之或以性



質名之其餘未及致詳姑存其名以俟查考

葦菜形似馬蹄亦名馬蹄草苗苗二子相似芮字當為葦字之訛然亦未知是否也

蒟葉一作萇卽扶留藤蔓生依樹葉圓而尖青碧

色味辛可為醬食檳榔者以此葉合蚌灰同嚼

食之可辟瘴癘去胸中惡氣

藍有三種蓼藍似蓼染綠大藍如芥染碧槐藍如

槐染青三藍皆可作澱

莖之高者三四尺七月開淡紅花結角長寸許

土人取其葉漬而用之名之曰青又本草有菘

藍馬藍吳藍瓊地俱未有

高良薑陶隱居言此薑始出高良郡故名卽今高

瓊山縣志

卷三下

輿地八 物產 草 三六

州也莖葉如薑而大高者二三尺花紅紫如山

薑 齊民要術

山薑莖葉皆薑也但根不堪食與豆蔻花相似而

微小耳花生葉間作穗如麥粒嫩紅色南人取

其未大開者謂之含胎花

老少年一名鴈來紅又名暮年嬌正月撒其子於

糲熟肥土二月中卽生至秋深脚葉深紫而頂

葉嬌紅又一種紅紫黃綠相兼者名十樣錦二

者俱壯秋色

荃草卽席草見爾雅郭璞云生海濱似莞蘭南越

人衆以為席



仙人掌自下而上一枝一掌無花葉青嫩而扁厚

有刺可以辟火其汁入目使人失明粵東筆記雜記

虎耳草莖高二三寸葉大如錢又如虎耳之形一

莖一葉俱有細毛搗汁滴耳中治聾耳葶芳譜

涼粉草俗名涼菜蔓生葉長細柔滑土人常以夏

月搗取其汁入米粉煮熟候冷凝如豆腐和糖

食之郡志

知羞草高三四寸葉細小而相當以口吹之其葉

自合俗名怕醜草澄邁志謂之喝睡草參粵東筆記

油葱形似水仙花葉厚一指而邊有刺不開花結

子從根發生長者尺餘葉中有膏婦人取之以

瓊山縣志 卷三 下 輿地八 物產 草 五七

澤髮可以代油嶺南雜記

羅裙帶生水中用治疥澄邁志

煙草高二三尺葉大如菰出自淡巴國明末初入

中土今人以代酒茗終身不厭故一名相思草

新增 下同

鵝不食草本草謂之石胡荽生石縫狀如小胡荽

今人家花盆中多有之辛不可食

番三七高二三尺葉長而尖根如老薑皮紫肉綠

跌傷搗爛酒炒熨之甚效

雞屎藤蔓生牆陰葉或圓或長而末皆尖氣甚臭

土人取其葉搗爛和糯搗切而煮食之



負子草高五六寸不華而實小如粟粒綴於莖葉之間有紅白二種可止痢證

乳草喜生石縫間葉細碎而色紫斷其莖有白汁如乳治吐血

脚眼草高五六寸葉多極缺脆嫩而厚多汁性能去熱

刀槍草葉圓厚邊刺缺有黑點置其葉於溼地則缺處悉發萌芽最易生長刀槍傷者嚼葉貼之其血立止

苜蓿高六七寸一莖直上生數葉其根如芋而小能解熱毒天花初出者多用之以煎飲

瓊山縣志

卷三

下

輿地八

物產草

二十六

自單藤莖葉略似土瓜而色碧亦有卷鬚其蔓盤轉而生子一莖十餘顆瘍潰後採其葉煎湯洗之

拱翅子莖葉有刺而翹起花色淺紅微帶紫實甚圓熟則純黃每顆中有子百餘顆可治疔病

蛇藥高七八寸莖葉俱如涼粉草每莖作三四小花花皆紫白茸下有高托承之毒蛇咬傷搗汁和酒服甚效

以上俱新増

木類

梓木有三種木理白者為梓赤者為楸梓之美文者為椅即尸子所謂荆有長松文椅者也

郡志舊



志謂之石梓言其質堅似石也  
有公有母母輕公重母尤佳

杞木北方並是大樹葉厚而長南方樹止數尺葉

如石榴而軟薄莖皆無刺子入補藥有刺者名

白棘味辛苦麻人不堪服

參羣芳譜

樟有紅黃二種俗名林翁又有釣樟即豫也

郡志

按樟木高丈餘小葉如柗與豫當各自為種

故師古云豫章與樟通二木生至七年乃可分

別又釣樟烏樟也其木小與樟亦略不同今

舊志謂樟即豫樟郡志謂釣樟即豫似未深

考

楠木幹極端偉一名端正樹亭亭直上若幢蓋然

瓊山縣志

卷三下

輿地八 物產 木 五

膚有花文色黃綠而細膩剖之香辣出崖州者

良儋州志云有香楠苦楠油  
楠鴨哥楠四種。郡志

松木三針者為栝子松七針者為果松千歲之松

下有茯苓上有菟絲又有赤松白松鹿尾松秉

性尤異

羣芳譜

三水范氏云瓊州無松惟海忠介植數株於

其祖墓今尚存蓋松性宜寒瓊州極南地氣

太熱故松植之不生也然今近郡之地雖尚

少而近黎之地則已多矣

柏木陰木也木皆屬陽而柏向陰指西蓋水之有

貞德者同上



柳水性柔脆正二月出莢而花山花而葉花黃而

細葉狹而長三月葉成花方結子小如粟米上

有白絮名柳絮入池沼隔窻則化為浮萍木羣芳譜

按海南柳樹易蛀插枝亦不甚成故不若北地之盛

楮木有二種皮白無花葉有極又似葡萄葉開碎

花結實者名楮又名殺其皮斑而葉無極又花

如柳花不結實者名斑殼實入藥皮可績以為

布亦可搗以為紙本草羣芳譜陸詩疏。按酉陽雜俎葉有瓣曰楮無曰構殼

構二音相近耳

檣木有四種赤黃檣為上金檣次之舊志增

栗木樹高丈餘花青黃色實有房多刺如蝟大者

瓊山縣志 卷三下 輿地八 物產 本 三十一

中子三五小者惟一熟則房開而實墜最難

種藝實離樹三日以上及見風日則芽不生正字通參齊民要術。按栗雖五方皆有而瓊地少見故郡志果類木類俱不收

楓木樹似白楊葉圓或得霜則丹杜牧詩停車坐

愛楓林晚霜葉紅于二月花是也有脂而香入

地千年為虎魄參爾雅郭註并埤雅

花梨紫紅色與降真香相似有微香產黎山中郡志

買生有白赤二種木理條直可作柱參澄邁志

荔枝樹高三四丈綠葉蓬蓬冬夏皆青材重而堅

大為時利又山荔枝大者亦可為器用小者止

供樵爨舊志增



黃荻釘肌色淡黃每節間悉有槽痕槽間悉有二

二目圓如眼睛

山窠有黑黃二種其木甚堅不受刀鋸俱同上

烏木一名角烏色純黑質堅實置水則沈不沈則

非也粵東筆記

欏木即山羅木俗呼買展葉可入田代糞木色甚

紅不堪用舊志增

水沙葉如羅漢松膚理細潤性耐水不易朽粵中見聞

赤鱗龍膽木中屋材其味苦故名黃志。按赤鱗龍膽舊志分爲

二種黃志合而爲一候考

買頭高三三丈葉滑花淡黃實如草豆一苞十餘

瓊山縣志 卷三 輿地八 物產 木 三十一

粒其木亦中屋材舊志增

山桃生山中如桃而小多毛核粘味惡其仁充滿

多脂可入藥用本草

相思木有黃紫之分皆起細花紋堅於鐵力木子

名紅豆如珊瑚王維詩所云紅豆生南國者是

也唐時曾進御以藏龍腦香歷久不減與草紅

豆生於藤蔓者別通志

鼓龜高丈許葉似刺桐搗爛酒炒可熨腰痛舊志增

狗卵臙脂別種其實較大郡志

猪血赤似血俗呼血樹出瓊山黎地中質脆不堪

大用舊志增



牛筋即詩所謂柎也陸璣疏云葉似杏而尖白色皮正赤多曲少直枝葉茂好或謂之牛筋材可為弓幹上同

棠梨即甘棠之白色者子少酢甘美其赤色者名赤棠子澀而酢無味乃棠梨之別種木理堅韌可作弓幹草木

懸脂樹高三四丈葉如波羅木色紅豔性耐土不易朽粵中見聞○按懸脂有

海梅端直堅緻與石梓公相似可以亂真又有青梅苦梅二種參郡志

瓊山縣志

卷三

下

輿地八

物產 木

山波羅蜜其色亦與此同但質甚脆不堪用舊志

貓尾高丈許子大如將指一莖數十顆纍纍下垂

形似貓尾同主○郡志云出黎山

海棠枝葉俱如波羅蜜其子打油燒燈謂之苦油

鼠不敢偷上同

香椿皮細肌實而赤嫩葉可茹檮木枝粗肌虛而

白其葉臭惡乃一木二種也郡志

紫木堅如荔枝木其色紫舊志增○按此係番木邑地少有

白香水質甚脆止可片解暫用上同

黃楊木質脆可制梳箸西陽雜俎云凡取此木必



於陰晦夜無一星伐之則不裂郡志

烏蛇木性韌可作扁挑舊志增○按此木邑地少有

山麻肌淡紅色不甚堅皮曝乾與麻無異

羅漢松高丈許葉扁而厚長僅寸餘聚而綴於條

末亦如松然唐賈耽選入百花譜俱同上

檉木柳之別種生水旁幹長枝弱皮赤葉細如絲

縷婀娜可愛一名河柳一名人柳一名觀音柳

即俗所謂三春柳也羣芳譜

黃桐質甚脆不堪大用舊志增

山桂皮味似桂不甚辣土人取春麴餅亦以代香

供神澄邁志

### 瓊山縣志 卷三下

輿地六 物產 木 三三

枕柳木如椶櫚有節如大竹聳直高數十丈無枝

葉生於杪葉下有鬚如粗馬尾可織巾子結葉

間一莖數十顆如青珠下垂長可丈餘紅熟亦

可食皮中有白粉日麪可為餅木色紫黑斑駁

類花梨而多綜紋內腐而外堅如鐵鑊以為器

悉成孔雀尾斑又可作鋏鋤及槍以代鐵參用衆說

白茶木不甚大肌色白可作扁挑小器用舊志增

圓眼木肌白質亦堅緻今人多用為榨油具同上

山柚取子打油香氣襲人婦人用以澤髮亦可食

郡志增

油紅木亦曰油丹肌色同波羅蜜質亦略堅舊志增○



按此木出黎山中邑地少見

山竹皮有斑點如蓬生果皮質不甚堅上

苦棟樹最易生三月開花細如魚子色兼紅白有

雌雄雌者實雄者不實實竹棗不可食通志

榕樹葉如大麻實如冬青枝條繁密其蔭十畝軟

條如藤垂下及地便生根節或一大株有根四

五處而橫枝及鄰樹即連理亦異品也草木狀

桑宜植肥地削其小枝則易茂去其枯枝則不荒

蠶事畢將枝髡去用糞或蠶砂培之來年嫩枝

之葉更覺茂盛且葉可製紙枝可當柴兼有餘

利羣芳譜○桑寄生出梧之長洲今邑地之桑亦間有之

瓊山縣志 卷三 下 輿地八 物產 木 三

虎斑木紋似虎斑舊志○粵中見聞云文昌陵水所產

和木 油練 土藤 土松 戈楠 假檳 春

花 鴨脚 經心 烏木梓 山膠 狗骨

山柳 木柳 千金 海油 橫木 黃沙

黃梅並舊志此十餘種或出於黎山或產於近地

脫理性質俱未詳候後查考

飲木朱崖海中有渚東西五百里南北十里無水

泉有大木斬之以盆甕承其汁而飲之文選注

蘇木即蘇枋樹類槐花黑子南人以染絳黎山野

生年久者良人家藝植者必十年後始堪用郡志

無患木即櫨木殼可以去垢核可為經珠又金剛



于圓如彈堅實不朽亦可為數珠同上

龍骨木色青翠葉似羊耳長二寸許莖多刺汁毒

老而根結者香美今人多植以衛園參詹州志

檜柏葉松身葉尖硬亦謂之栝今人名圓柏以別

側柏爾雅註  
羣芳譜

樅松葉柏身尸子所謂松柏之鼠不知堂密之有

美樅者此也爾雅註。按此水邑地前此少有今甚多

苦子樹楠之別種高丈餘葉似龍眼葉而色碧實

一莖數十顆亦似龍眼生青熟黃中有黑圓核

味甚苦能去油垢新增  
下同

苦俗高丈餘葉柔薄捻之悉有白汁二月開小黃

瓊山縣志 卷三下 輿地八 物產 木 三五

花實長數寸子帶白絮熟則其苞自裂隨風飛

舞著地即出

大葉榕乃榕之別種根幹並與榕等葉麤大而柔

薄最易生發神廟門前曠地多植之取其陰濃

可蔽夏日粵中見聞以椀為大葉榕與此有別

枸橼一名臭橘幹多刺地生石處甚盛其葉可合

酒餅俱同上

香類

沈香葉似冬青樹形崇竦其木枯折皮朽爛內心

乃香積博物志云沈香雜木也詹崖海道居民

橋梁皆香如梅桂橘柚之木沈於水多年得之



皆為沈水香然生採之即不香也又虞衡志云  
沈水香上品出海南黎崙一名土沈香少大塊  
其次繭栗角如附子如芝菌如茅竹葉者佳至  
輕薄如紙者入水亦沈香節久蟄土中滋液下  
流結而為香採時香面悉在下其背帶水性者  
乃出土上環島皆有之又以出萬安者為最勝  
大抵海南香氣清淑如蓮花梅英鵝梨蜜脾之  
類焚少許氛翳彌室至煤燼氣不焦此海南香  
之辨也海上亦自難得省民以一牛博香一擔  
歸擇得沈水者十不一二郡志

白朮香砍傷其樹則結名雖年久亦為白朮舊志

瓊山縣志 卷三下 輿地八 物產 香 三六

檀香檀木年久成香有黃檀白檀紫檀白檀香尤

酷烈舊志增

上降真香雜諸香焚之其烟直上輒有白鶴下降

通志

黃熟香香水過盛而精液散漫未及凝成黑線者

又土壅不深為雨水所淋者皆曰黃熟黃熟雖

不及生結亦有香樹枯久木末皆朽中存一塊

土氣養之其色如金氣味幽靜則與生結者等

而更悠揚名為熟結粵中見聞

龍骨香樹叢生有刺汁甚毒枝老而根結成香者

美產崖州郡志



雞骨香一名藤香勁瘦不甚香乃雜樹之堅節形  
色似香而非香者南越志以為即降香香溪蠻  
叢笑辨之增郡志

蓬萊香即沈水香結未成者多成片如小笠及大  
茵之狀有徑一二尺者極堅實色狀皆如沈香  
惟入水則浮剝去其背帶木處亦多沈水虞衡志

晚落香舊志  
未詳

鷓鴣斑亦得之於沈水蓬萊及絕好箋香中槎枒  
輕鬆色褐黑而有白斑點點如鷓鴣臆上毛氣  
尤清婉似蓮花虞衡志

箋香如蠟皮栗蓬及漁蓑狀蓋修治時去木留香

瓊山縣志 卷三下 興地八 物產 香 三七

棘刺森然香之精鍾於刺端芳氣與他處箋香  
夔別箋香之下又有重漏生結皆下色同上  
卷遊錄

云香有三等曰沈曰  
箋曰黃熟箋即謂此

速香有色黑而重者名將軍帽鱈魚片色黃而有  
棕紋者名花剗白海舶至者味辛而酸不如瓊  
產之甜靜無尾烟也其餘有夾板並抱朽木者  
俱香之下品而尤有他木煮成假充者不可不

辨補記

竹類

麻竹莖特大筍可食郡志

金竹高三四尺以鐵線穿通其節可作吸炯筒舊志



石竹大者徑二寸質堅斧斤不能及倭刀觸之立

斷郡志

黃竹即黃皮竹凡竹非青則綠此獨黃古詩云林

上枝枝金瑯玕一丈二尺拂雲端謂此上同

紫竹皮紫色張重詩云顏色耐雪霜桃李不能妒

但取節操高莫起奪朱惡舊志增

茅竹一作貓竹一作毛竹幹大而厚異於諸竹土

人取以為舟郡志

沙竹生岸邊沙中若細荻高尺餘青而且勁嶺表錄

刺竹一作勒竹其性澀又名澀勒長芒密距枝皆

瓊山縣志

卷三下

輿地八 物產 竹 三六

五出如鷄足可蔽村砦子瞻詩云澀勒暗蠻村

是也瓊人種為藩籬筍亦可食郡志

按刺竹本名芳竹見肇慶府志以刺為勒而

又稱為澀勒則廣音也

箭竹竹譜云竹間三尺堅勁中為矢其莖黃色今

黎人取以作箭箠多出定安舊志增

藤竹性堅實耐久長踰尋丈筍亦美多出儋州郡志

苦竹類茅而節高莖曲宜編織性寒宜作瀝青其

根穿行山谷延蔓成林又名過山苦同上

白眼竹節有粉瀝可治瘰其篾最為適用郡志增

觀音竹小如箸高二三八細葉離披可作盆玩其



種傳自占城舊志

斑竹即湘妃竹其斑如淚痕產昌化感恩郡志

人面竹徑幾寸近本逮二尺節極促四面參差竹

皮如魚鱗而凸頗類人面藝芳譜○  
竹譜略同

按舊志云近地數節密似人面郡志云節小

而中大小處如人面大處如腹據竹譜及羣

芳譜則舊志所言近是

青黃竹筠半青半黃一名碧玉郡志

簞竹或為之贊曰簞竹既大薄且中空節長一丈

其直如松此言桃竹也以為簞曰桃笙同上

蕭竹 甜竹 瀟湘竹 牛竹 扶南郡志竹

瓊山縣志 卷三 下 輿地八 物產 竹 三九

大茅竹並舊志未詳其實存其名以候稽

牛箠竹高六七尺細若小指每節七八寸長者盈

尺刮去其目圓滑光澤作烟具堅而不裂比金

竹為尤良新

藤類

赤藤俗名紅藤出自黎山其子可為數珠郡志

黃藤可染熬汁即藤黃也其性甚寒可和青魚膽

點目

白藤葉似土茯苓身小而長白外有籜包又有一

種斑駁可為數珠亦名白藤子出文昌山中

苦藤大如筍竹可以駕牛



青藤葉長三四寸多芒刺莖大如帶而堅韌可用

比北地之用柳條俱同上

土藤色紫黑細如繩子性甚柔韌束物牢固而可

久舊志增

圭藤俗名靴藤屈之可為酒引郡志

牛八藤即犁藤舊志

禽類

燕有胡越二種又有海燕大如鴻春回巢於石巖

危壁葺壘島人伺其秋去以修竿接鏟取而鬻

之謂為海燕窩今崖州萬州海島中石巖陡絕

處亦產之較洋燕窩售自番船者更佳但歲出

瓊山縣志 卷三下 與地八 物產 藤禽四

不過數斤最難得海語參 郡志

鴿鳩屬俗名白鴿其頸若瘦其色有二十餘種

性喜合逐月有子眼有黑底天青者黑底插黃

者黃油白氣者焦油者放之千里外亦解飛還

酉陽雜俎云波斯船上多養之以寄平安家信

舊志增

黃雀俗呼麻雀又名瓦雀其糞即白丁香治眼翳

萬州志

鸚鵡俗呼八哥又有牛八哥稍大而翅白同上

鵲俗呼喜鵲瓊初無之明景泰間指揮李翊自海

北取雌雄十餘攜來縱之今蕃育滋多舊志下同



黃鸝郎黃鶯也古稱倉庚

鸚鵡丹口綠衣亦能人言無異隴西之產俗名

燕鳥

山鷓毛色紫綠間有純白性喜鬪人多蓄之俱同上

秦吉了嶺南有鳥形似鸚鵡而大紺黑夾腦有黃

肉丹喙黃距人舌人目目下連頸有深黃文亦

有白色者眼有三種黃者金了為上白者銀了

為次黑者鐵了為下蓄久能人言俗呼了哥一

名漢禽舊志增

白鷓素羽黑文狀如山雞舉止閑靜雌雄定耦不

亂不鬪故曰白鷓羅浮志

瓊山縣志

卷三下

輿地八

物產

禽

四

雉其屬有錦華金錢二種俗呼野雞舊志

翦毛雀舊志未詳

五色雀一名木客方色各備東坡詩序云海南有

五色雀常以兩絳色者為長衆雀進止必隨焉

久旱而見則雨潦則反是俗呼小鳳凰舊志增下同

鷓吳人呼水雞為鷓渠

鷓似鷹而小青質五采兩翅各有復翎其尾如舵

善高翔專捉雞雀俱同上

烏鴉鳥孝鳥也純黑而反哺者謂之慈鳥頸白而

不反哺者謂之鴉郡志

鷹一名征鳥一名爽鳩頂有毛角微起今謂之角



鷹雄形小雌體大雙散長者起遲六翮短者飛  
急性善膺擊而擾馴隨人指縱舊志增

鶻亦鷹屬似山鵲而小短尾青黑色多聲拳堅處

大如彈丸鷲而有義鳥盈握者撮之不擊胎

白頭翁白頭鳥也諸葛恪在吳主座此鳥飛過吳

主問何鳥恪曰白頭翁也張昭在座最老疑恪

戲已因曰未聞鳥名白頭翁者若有請覓白頭

母恪曰鳥有鸚母請覓鸚父昭不能對坐中皆

笑

鷓鴣飛必南向鳴聲鉤輶格磔又云行不得也哥

哥

瓊山縣志 卷三下 輿地八 物產 禽 三

斑鳩色斑故名又有青綠赤三種晴則呼婦雨則

逐之其同上

杜鵑一名子規又名謝豹舊志

百舌春初鳴能反覆其舌隨百鳥之音月令仲夏

之月反舌無聲感微陰之起於下也舊志增

鷓鴣昔人云鷓與鷓形相似鷓色黑無斑始由鼠

化終復為鼠夏有冬無鷓毛有斑點始由蝦蟆

黃魚化終以卵生四時常有今通呼為鷓鴣舊志

畫眉一名黃眉鳥似鶯而小其眉如畫巧於作聲

好鬪歐陽永叔有畫眉詩舊志增

瓦雀舊志據郡志即麻雀



伯勞似鷓鴣而大左傳曰伯趙氏以夏至來冬去  
去其音鷓鴣故又名鷓月令仲夏之月鷓始鳴

是也爾雅註疏

叫天兒舊志未詳○

火鷄紅色嘴翅俱黑春夜先鷄而鳴俗呼催耕郡志

啄木雄斑雌褐惟食木蠹能以喙書符於蠹孔其

蟲自由巢枯木中人室其穴即書符於上其穴

自開有一種大如雀喙足皆青毛色正青翠鳥

類也與凡啄木異種舌長五寸杪有刺針見臨

海異物志舊志增

姑惡大如鵲色純黑眼赤如血音聲自呼甚哀切

瓊山縣志卷三下

輿地八 物產 禽 三

陸放翁詩云君聽姑惡聲無乃遣婦魂學其聲

則鳴益急生子嘗寄鵲巢使鵲翼而長之同上

竹鷄形如鷓鴣褐色斑赤文居竹林中見雋必鬪

以囑誘其鬪網之性好啼啼曰泥滑滑白蟻畏

之郡志

打鐵其聲如鍛舊志增

山雞愛其毛映水則舞魏武時南方獻之以大鏡

著其前雞鑿形而舞不止異苑

黎母雀出自黎山冠紅如花莫可羅致臨高志

鶴粵中最少鶴惟瓊州則元裳縞衣丹頂其餘灰

鶴居多通志



鷓鴣一名鷓鴣夜撮蚤蟲察毫末晝出瞑目不見  
邱山俗名貓頭鳥大如鷹黃黑斑色頭目如貓  
有毛角兩耳鳴則雌雄相喚聲如老人初若呼  
後若笑所至不祥郡志

紅頭鷺舊志未詳

蓑衣鶴俗名田牛奴毛如蓑衣斑色常在田中跟  
牛而行以求食故有此名舊志增

鷺鷥羣飛成序純白皓潔其首有翻舊志

水鴨即鳧鷖蒼黑色同上

白臉雞一名鴝雞大如鷓鴣毛如雞而臉白舊志增

鷓鴣色深黑能沒於深水取魚而食之俗名摸魚

瓊山縣志 卷三下 輿地 物產 禽 四

公同上

青椿形如鷺鷥色青舊志

翡翠有大小數種大者毛充貢小者呼水翠又有

山翠有紅翠舊志增

鷓鴣水鳥也一名離渠大如鷓鴣雀長脚長尾尖喙

背上青赤色腹下白頸下黑如連錢飛則鳴行

則搖詩小雅云發令在原是也爾雅註疏

鶉鴒形如鴉而大喙長尺餘頷下大如數斗囊好

羣飛沈水食魚一名淘河一名淘鷓舊志增

鷓鴣水鳥毛有五色尾如船脰食短狐居在水中

無毒氣舊志



鷗蒼黑色在漲海中隨潮上下頗知風雲若羣飛  
至岸渡海者輒不敢渡郡志

閣雀白日不見形狀每歲春夜高飛向東叫割割  
聲必兆年豐舊志

鴛鴦亦名鷓鴣毛羽五色文采絢爛晝則並遊夜  
則交頸雙棲失偶則相思而死凡毒蟲不敢犯

故所宿水中無毒

海鳥棲宿海岸夏秋之夜飛鳴入深山則知颶風

當至土人以為颶信俱同上

灰鶴大如鶴通身灰色去頂二寸許毛始丹及頸

之半亦能鳴舞桂海虞衡志

瓊山縣志 卷三下

輿地八 物產 禽 五

水鷹舊志○木詳

石雞形特小一名潮雞潮長則鳴其聲長而清有

如吹角李德裕詩三更津吏報潮雞是也郡志

鴈廣南無鴈近年有之明時有鴈集於瓊山縣學

泮池邱濬為之記見瓊臺集舟車間見錄

青雛生於檳榔林者謂之檳榔雛喜食檳榔之未

熟者宿則倒懸一足於樹杪弋得之肉厚味腴

山歌云青雛且莫來檳榔猶未熟莫食檳榔青

好食青雛肉郡志

海鵝即天鵝蒼色嘴尖似鵝而大澄邁志

雞毛有粗細二種毛細如絨色白而骨黑者入藥



新增  
下同

鵝有蒼白二色性頑而傲

鴨即鶩也似鵝而足短符昭遠謂之減脚鵝產於  
海北者獨大今邑地亦傳其種

番鴨似鴨而大身扁頭有紫冠

蝙蝠形若鼠有薄肉翅連合四足及尾冬藏夏出  
晝伏夜飛一名服翼今謂之飛鼠俱同上

獸類

山馬昔人云似鹿而大百數為羣角彎而內向無  
歧毛如山牛眼下復有兩眼日閉夜開以觸物  
善入棘叢黎人得之以其皮易布可為臥具禦

瓊山縣志

卷三下

輿地八

物產 禽

四六

溼那志

野牛本家畜近黎之賚多山嶺晝則縱出夜不驅  
還入之其性逐野見人輒奔須用鳥槍擊之又  
一種似牛而眼紅者山中作隊而行見人不避  
謂之山牛黎地山中最多見雜記舊志增

小狗舊志未詳

鹿壯為麋牝為麀其子為麕其茸嫩者如紫茄長  
三四寸紅鮮可愛然不踰時未潰而奉乾割之  
有如堅木者所謂柴茸不如蜀產郡志

麋似鹿而小黑色

山海經註

兔梵書名舍迦大如狸褐色尻有九孔舐雄豪而



孕其犬者為粵色青足似鹿瓊人多畜之郡志

狸有香狸猫花狸玉面狸七架狸赤狸蛇狸數種

儋州志

獺似犬而口銳毛細入水不濡善捕魚其以獾為

雌者插翹山獺也山溪崗骨能解藥筭毒中箭

者研末少許傳治立消郡志

豪猪即封豕似狗居地穴中毛黑利如錐長四五

寸尾大人逐之則發豪刺射人舊志

刺蝟形似鼠通身生刺同上

穿山甲一名鮫鯉如鼉而小似鯉有足穴山入水

喜食蟻舊志略增

瓊山縣志 卷三下

輿地八 物產 獸 四七

豹狀似虎而小白面團頭其文如錢者曰金錢豹

如艾葉者曰艾豹性畏蛇淮南子云蛇令豹止

物有所制也本草綱目

豺似狗而長尾狼似犬銳頭高頰說文

猴釋獸云猴無脾以行消食昔人云瓊州多猴以

小者為貨郡志

獐本作麋如小鹿而美壯為麇牝為麇喜文章獵

人舞采則注視舊志增

熊好攀援木而引氣故謂之熊經其膽春在頭夏

在腹秋在左足冬在右足當心有白脂如玉味

甚美俗呼熊白冬蟄不食飢則自舐其掌故其



好在掌異苑

郡志云瓊郡猪熊狗熊馬熊人熊體同首異  
馬熊最大人熊不多見昔人云熊多力尤嗜  
小兒黎人捕而獲之一尚畢賀以熊多則其  
地不祥也其膽色通明如米粒用草蕤點入  
水轉如飛者佳能消諸毒

猿雄黑雌白似猴而大兩臂甚長攀援樹顛往來  
甚捷一墮地則水強矣以善援木而不能走也  
畜之者亦須置樹間近土氣即病瀉以死煎附  
子汁飲立愈舊志下同

瓊山縣志

卷三下

輿地八

物產

獸

四八

亦黑金絲玉面皆難得本處志又瓊州有石猿

小者奉許飲以水即長又名黑後今亦難得

本郡志以其善援故謂之援以其性靜緩故援

從爰今俗作猿非也又埤雅云猿不踐土故

志謂其不能走然今畜之者有時自投於地

超越亦若獼猴則其說似亦難盡信

山鼠形似鼠不能害稻穀

毒鼠形大於鼠尾有毛能咬檳榔子俱同上

麋即麋午月解角嫩者功用亦與鹿同前漢書云

儋耳珠崖郡山多麋麋顏師古注麋似鹿而大

名苑云鹿之大者曰麋羣鹿隨之視其尾為準



其尾能辟塵柳毼則不蠹置黃帛中歲久紅色不黠也郡志

山猪即野猪寇宗爽云形如家猪但腹小足長毛色褐作羣行獵人惟敢射最後者若射中前者即散走傷人其肉赤色如馬肉食之勝家猪本草

牛有二種曰水牛黃牛郡志

馬多白色紫鬃色前漢書地理志儋耳珠崖郡無馬與虎舊志亦云馬非瓊產今則虎無而馬亦多產矣郡志

羊有山羊羴羊山羊者驅之牧地任其自食羴羊

瓊山縣志 卷三下

者以小羊為欄棚採草木葉飼之足不履地肥而多脂味尤美參郡志

鼪鼠一名鼪鼠身長尾大能制蛇虺又善於捕鼠及禽畜廣雅謂之鼠狼莊子所謂騏驥捕鼠不如狸鼪者即此物也本草

狗有黃黑白斑諸色懸蹠者名為犬長喙者可用以田新增

猪耳小蹄短白頸者為俗所忌

黃獬大如狗有角形頗似鹿脯其肉味亦略與鹿

同

貓一名烏圓其毛不容蚤虱口內有九坎者能四



季捕鼠

鼠穴蟲之善盜者食鹽而身輕食砒即死大者皮

可為裘名天鹿裘見廣志

俱同上

魚類

附水族海族

鯉魚陶宏景稱為魚王子忌猪肝

郡志下同

細鱗巨口一種頭頂皂色呼皂包頭秋後放子腹

多脂肉細味佳

鯽魚似鯉魚而身促腹大脊高又二種尤小名走

水鯽肚苦鯽

章魚形如烏賊而大足有八一名章舉昌黎南食

詩其五為章舉是也

俱同上

瓊山縣志

卷三

下

輿地八

物產 魚

五十

鯿魚異物志南方魚多不肥美味鯿魚為上大者

長二尺作膾炙尤香而美嶺南錄異曰鯿魚如

白魚而身稍短尾不偃為膾不腥而美諸魚無

以過也

黃通志

斑魚蠡魚也魚腸主痔及惡瘡有蟲者五味炙貼

上引蟲出之膽治喉痹

同上

黃蜂

舊志未詳

鮎魚即鱧魚爾雅翼偃額兩目上陳口方頭大尾

小身滑無鱗謂之鮎言其黏滑也

郡志

塘蝨風雨將作羣引涎溼越坡乾則後越前以濡

遇者或獲擔而歸凡此魚穴處多聚蛇食涎捕



者防之上同

泥鰱魚大如指在泥中黃通志

鑷刀長大者名窵脣郡志下同

鰻魚產石灘深處無鱗似鰻而長大俗名麻魚海

麻銛牙大口

鰻魚亦作鱮黃白二色似鰻而細長若蛇無鱗同

齋魚似鯉而小正字通云鱮字之譌舊志增

鱮魚似鰻而大鱗肥美多鯁相傳其魚為鱮烏所

化故腹中有烏腎一枚見異物志同上

按鱮魚項短鰓魚頭長二者當各自為種郡

志併而為一似非

瓊山縣志 卷三下 輿地 物產 魚 五十一

偶魚俗呼賣子魚舊志

考閩中海錯疏魚有名為鮓者圓厚短蹙味

豐乃鱸之別種按其形味當即此魚鮓偶方

音相近因訛鮓為偶耳郡志以鮓為鮓鱮皮有文

與鮓不類又復鮓偶並收宜分而合宜合而分不

知別有所据否姑存所見以備參

黃花本草綱目作石首魚首有白石二枚瑩潔如

玉乾者即浙中鯨魚舊志增

刀魚爾雅謂之鱣刀郭註云今之紫魚也狀如長

薄尖刀故名刀俗改作鮓非水正通山海經注紫

狹薄而長頭大者長尺餘常於三八月出說文



云鯊飲而不食刀魚也九江有之亦呼為魴魚  
參郡志

馬鬃魚形扁長脊鬣有核肉細無刺郡志

黃魚劉欣期交州記武寧縣秋九月黃魚上化為

鶉鳥吳書薛綜曰交州刺史朱符多以鄉人分

作長吏強賦民黃魚一枚稻一斛黃通志

飛魚一名交鯨生海南大者長尺許有翅與尾齊

羣飛海上海人候之當有大風吳都賦云交鯨

夜飛而觸綸本草綱目。按此魚多出文昌

燕魚有赤白黃三種脊皮有沙兩翅似燕能飛翔

海上故以燕名俗呼為老鴉魚味美郡志

瓊山縣志卷三下

輿地八 物產 魚 五十二

鱸魚脊皮有沙肉白味美舊志

鯊魚有犁頭鯊劍鯊斑點鯊虎鹿鋸鯊各種背鬣

而腹翅大者長丈餘皮有沙圓細如珠腹中有

二洞以貯水養子子必二皆從胎生朝出暮入

肉淡而鬆翅作銀絲菜稱珍品皮可治木發光

潤粵中見聞

青鱗魚鱗青而脆郡志以為即勒魚舊志增

鰩魚即鎗魚一名鏡魚有烏白二種小者名鰩鰻

身圓肉厚肉白如鱗只有一脊骨治之以薑葱

蒸之以粳米其骨軟煨者無所棄擲俚人謂之

狗眠魚郡志參黃通志。按鱸字韻書不載乃方音之訛耳



馬膏魚一名烏魚即馬鮫魚皮上有黑花滋味甚

美諺以鯽魚馬鮫並稱參郡志○舊志以此為烏魚郡志云烏魚似馬

膏而短小無黑花點存參

蠟魚即合光魚色正黃而美如蠟故名夜則有光

嶺表錄異黃蠟魚頭嘴長而鱗背金色南人饕

為羹雖美而毒或煎燂或乾夜即有光如燭出

南越志黃通

脫肉烹熟則其肉自脫舊志增

鱉魚其脊若鋒刃銳喙長齒大腹鼻在額上而能

作聲少肉多膏大者長三二丈通志

麩魚色白無鱗舊志

瓊山縣志卷三下 輿地八 物產 魚 五三

巴柳朱公魚也小而皮硬者名老鱧儋州志

勒魚即青鱗狀如鱗魚小頭細鱗小兒痘疹土人

煮以食之郡志

銀魚即王餘博物志又名鱠殘魚身圓如筋長二

三寸潔白如銀無鱗若已鱠之魚目有兩小黑

點俗呼為麩條魚又呼白飯魚多出澄邁同上

今俗所謂白飯魚形如餅類別是一種與此不同

帶魚長薄如帶色白如銀脊多刺肉細膩味甜俗

名裙帶魚參郡志

西綱舊志○未詳

跳天似塘蝨而無角生溪澗中善跋刺舊志



鰕魚扁形濶腹大口細鱗有黑斑采斑色明者為

雄稍晦者為雌郡志參黃通志

鵝哥魚其喙前鉤有類鵝鵝舊志增

蒲魚形似鼈口在腹下目在額上尾甚長有數尺

者昌黎詩蒲魚尾如蛇口眼不相營是也骨脆

肝美於肉亦曰鰕魚黃通志增

按昌黎詩明指蒲魚而言而郡志引入海鷄

似誤海鷄一名荷魚味美而尾極毒俗亦呼

為燕魚蓋蒲魚之別種附誌於此以備查

竹葉色如竹葉青翠舊志增

烏賊魚一名河伯從事小吏俗傳秦王東遊弃算

瓊山縣志

卷三下

輿地八 物產 魚 五五

袋於海化為此魚形如算袋無鱗肉翼兩鬚長

似帶六足聚生口旁遇大魚輒嘆墨方數尺以

自蔽故又名墨魚遇風波以鬚下石黏石如纜

又名纜魚其骨名海蠔蛸參郡志

鞋底魚即比目魚鱗細紫黑色一眼兩片相合乃

行其合處半邊半面無鱗爾雅所謂東方有比

目魚不比不行其名曰鰈是也郡志

按比目魚南越志謂之板魚兩鰓一目並見

吳郡賦注而俗所呼之鞋底則貼沙魚也身

扁雖與板魚相似然其目有二性喜貼沙並

非兩片相合詢之海人亦云今即以



比目誤矣

辰魚舊志○

金錢花魚圓小如錢身有黑紋其刺甚硬舊志

麻魚舊志○按此即鰻鱺魚

紅魚即赤鬚魚鱗鬚皆淺紅色可作脯出儋州昌

化者佳郡志○按海鯉與此魚相似今所獲者皆海鯉真者絕少

鱮魚與鱮同似鱧而黑大頭細鱗目旁有骨舊志

虎魚又呼魚虎一名土奴魚頭如虎皮如狷滿身

紅刺着人如蛇咬能化豪猪及虎黃通志

翻車魚海槎餘錄云秋晚巡行昌化屬邑俄海洋

烟水騰沸競往觀之有二大魚遊戲水面各頭

瓊山縣志卷三下

輿地八 物產 魚 五十五

下尾上决起烟波中約長數丈離而復合數四

每一跳躍聲震里許詢於土人曰此翻車魚也

開歲一至此亦交感生育之意耳郡志

河狔木作豚狀如蚪斗大者尺餘無鱗鰓能開闔

以暮春出食柳絮一名鯢魚味美其肝尤腴有

大毒烹飪失宜食之殺人中其毒者以蘆根橄

欖甘蔗搗汁或磨降香汁飲之可解

海猪一作海豚產海申候風潮出沒形如豚鼻在

腦上作聲噴水直上百數為羣泊岸旁食人人

乘船刺之大者圓九尺長二三丈俱同上

海鱸俗呼海龍翁海魚之最偉者大者不可限量



有長數百十里遠望之如連山者小者亦十餘尺背常負子以遊蛋人駕小船繫長繩於鐵釘以標其子候其斃曳至岸取肉煮油貨至數萬錢脊骨可為春白康熙癸亥年一極大者自斃漂於鹽灶港兵民爭割取之舊志

海馬鰕屬首如馬身如鰕長五六寸一名水馬南州異物志云大如守宮其色黃褐婦人難產者持此物即產參郡志

黃鱮魚一名大頭狀如鮎之大者子如雞卵黃肉可為糟春末夏初最勝參儋州志

鰻魚即魴魚小頭縮項穹脊闊腹扁身細鱗其色

瓊山縣志

卷三下

輿地八 物產 魚 五十六

青白郡志

鰾魚本作柔類墨魚而長無鰾蛸骨故名柔魚雜記

鯪魚似鱒而大形長身圓善食草根揀山田之荒

平者開為町曠貯水養之一二年後可收其利

而田又為熟田種稻可無稗草有青白二種白

者味勝俗呼草魚參嶺表錄異

金魚初出黑色久乃變紅又或變白名銀魚有紅

白黑斑相間者名玳瑁魚有單尾者三尾者五

尾者甚且有七尾者自宋以來始有今在在養

玩矣厚芳譜

按邑地魚類不可枚舉其產於各港者曰紅



杉身扁鱗脆其肉曰青錯似青鱗而刺硬曰結尾近

處略帶紅色曰薄披頭小身薄如曰水公色白

鱗細而硬曰白飯形如飯顆長四五分

無銀由腮達尾曰白飯與麪條魚異冬末春

初甚盛與曰博米大僅寸許體曰烟袋似

水公同曰博米大僅寸許體曰烟袋似

形類曰指甲身其形頗類指曰揣頭尖如

烟囊曰指甲身其形頗類指曰揣頭尖如

手指有曰狗尾長五六寸曰歪嘴鮮似黃花

細鱗曰狗尾長五六寸曰歪嘴鮮似黃花

鱗細曰赤米糠許鱗頗指曰狗吐柔似無

而白曰赤米糠許鱗頗指曰狗吐柔似無

脂曰破布頭大身扁小曰蠶體蹙而扁有

其畜之池沼者曰方頭形如草魚頭曰笠魚

身圓尾有斑點善曰西身圓似揣其自產於

自食其子可為膾曰西身圓似揣其自產於

田窟者曰雙漫身紫有橫黑紋曰紅眼栽似

皆係方音載籍未有難以入編附識於此

龜甲蟲之長在山者曰山龜在水者曰水龜又海

中有封龜如鳥洋船畏之小者亦重二三百斤

瓊山縣志

卷三下

輿地六

物產

魚

五七

雙漫而曰田猴口大身圓能凡數十種其名

眼紅變四足蛇

皆係方音載籍未有難以入編附識於此

龜甲蟲之長在山者曰山龜在水者曰水龜又海

中有封龜如鳥洋船畏之小者亦重二三百斤

漁人間撈得之肉甚佳可治疥癬參郡志

鼈一名河伯從事不可與莧同食又腹下有小子

王字天字者三足能者無裙而頭脚不縮細者

并不可食又朱鼈大如錢腹赤如血出南海浮

空必有大雨見淮南子上同

鼈形似鼈而大以鼈為雌故曰鼈鳴鼈應淮南子

云燒鼈脂以致鼈皆氣類相感也其脂又可燃



鐵部

鼃類頗多色青腹細嘴尖後脚長善躍大聲者曰

青鼃背有黃文曰金線鼃腹大脊青其鳴甚壯

俗呼為囉吭又有名田雞者多在田中春間篝

火作聲呼之可獲三月三日農民聽其聲卜水

旱諺曰田雞聲啞田好稻把田雞聲響田好蕩

漿唐人詩云田家無五行水旱卜鼃聲蓋不誣

也同

鱉

鱉音后

狀如便面綠甲覆體甚堅目生背上口藏

腹下八足甚長形如巨鱉而曳長尾雌大雄小

雌常負雄以遊雖波濤終不解號鱉媚故所得

瓊山縣志

卷三下

輿地八

物產

魚

五八

必雙殺之血白如乳移時即成淺碧色腹中子

甚多并滿八足圓白如芡實出而為鱉者十之

二三餘多為鱉為鱉舊志增

鱉河海皆有其類甚多圓臍者牝尖臍者牡未被

霜者有毒同

鰕河海皆有海中甚大頭肖龍形者曰龍鰕又極

小者曰鰕苗可為醬舊志

蚌呂氏春秋月望則蚌蛤實羣陰盈月晦則蚌蛤

虛羣陰缺淮南子云方諸見月則津而為水方

諸大蛤也舊志

煙蚌屬似馬刀而殼薄長二三寸大如拇指又有



竹節鯉以夏月出

海鏡形圓如鏡味最佳即礫蛤也南越志云長寸

餘大者長二三寸兩片合以成形殼厚中甚瑩

滑白照如雲母光內有小肉如蚌蛤腹中有蠟

子如榆莢合體其生為蛤取食諺云月姑蠟作

腸蓋謂此也郭璞江賦璣蛤腹蠟其殼為明瓦

崖州產者佳郡志參嶺表錄異

蜆爾雅曰蜃小者曰跳殼青黃色惟伴塘海石頭

海所產者為佳其類大小厚薄不一又名金鈹

口劉鋹時取以自奉禁民間不得採黃通志

蛤爛白殼紫脣大二三寸其肉可充海錯郡志

瓊山縣志卷三下

蚶殼上有稜如瓦壘肉紫而豐廣人重之多燒以

酒呼為天齋又有絲蚶紋細如絲即魁陸阿婆

蚶似絲蚶稍長而不正海蚶甚大有片甲大如

屋者以治器即為礫礫多產崖州郡志參嶺表錄異

江瑤柱一名玉珧如蚌而稍大甲美如玉肉腥韌

不中口以柱為珍柱長寸許圓半之白如珂雪

一沸即起甘鮮脆美不可名狀過火則味盡四

月南風起最多產崖州者佳又名海月謝朓詩

桂席拾海月精此蘇長公會云荔枝風味惟江

瑤柱可敵之郡志參嶺中筆記

車螯較蛤為大潔白如玉俗呼車白殼厚微黃能



累而俱敗矣

郡志

蝻螂滾丸之蟲俗呼牛屎鳥

舊志

螳螂俗呼賣油翁

郡志

蟬淮南子蟬無口而鳴飲而不食舊說朽木化為

蟬舍卑穢而趨高潔

同上

蟋蟀俗呼促織詩名斯螽莎雞一物隨時而異其

名

舊志

蚱蜢種類最多俗呼草蚱蝗屬大頭短腹翅長色

綠者呼紡緝婆夏初小熟禾熟附穉人取食者

為稻蝦綠大而附籜竹者為刺蚱

郡志

蝴蝶一名野蛾一名風蝶江東人謂為撻末白色

瓊山縣志

卷三下

輿地

物產

蟲

背青者是其大有如蝙蝠者或黑色或赤斑名

曰鳳子一名鳳車一名鬼車

古今注

蜻蛉有青赤黃三種六足四翼其翅輕薄如蟬飲

露食蚊蠅遇雨即多好集水上款飛一名蜻蛉

雅

山蛭即山蜚山中生蛭之所人陟其山則在地者

緣股而上在樹者雨墜而下驅之不得拂之不

可莫不委頓

郡志

水蛭一名馬蟻大者名馬蟻處處河池有之又

石蛭草蛭泥蛭等名

舊志增

螢腐草及爛竹根所化一名熠燿一名燐一名丹



鳥無胃而育夜飛腹下有火同上

蟾蜍一名蝦蟆吐生其肪塗玉則輒刻削如蠟文

蝸牛殼如小螺白色生池澤草木間頭有兩角行

則觸警則縮首尾俱藏入殼中盛夏則自懸

樹葉下以有兩角故名牛古今注

水弩蟻也一名短狐又名射工舊志

蠍生北方江以南所無至瓊反有之不知何由而

來同上

蟻有飛蟻木蟻黑赤蟻白蟻數種其脚長而善走

者名長脚蟻惟白蟻無所不蝕其害尤甚雜記

瓊山縣志

卷三下

輿地八

物產 蟲

六三

云粵東溼熱最多白蟻新構房屋有不數月而

為其蝕壞傾圮者亦能蝕銀尋其穴掘得白蟻

入爐鎔之其銀仍可復得郡志

蜘蛛小者名嬉子山生者倍大有土蜘蛛草蜘蛛

楚溪筆談云廣南有天蛇螫人不可救即草間

黃花蜘蛛也郡志增

蠅虎似嬉子而小灰色善捕蠅郡志下同

螺贏形類蜂赤黑色大小數種即螟蛉

蠅東坡云海南無蠅今甚多蚊亦然俱同上

蚪斗蝦蟆子也一名懸針頭圓大而尾細古文似

之古今注



蝮蛇一名曲蟻一名土龍善長吟劉賓客嘉話瓊  
州地名胸臆音蠢胸臆蝮蛇也故土多蟲常至  
夜江畔出其身半跳於空中而鳴其形蚶蛭白  
頸是其老者用入藥增

蜈蚣一名蝮一名百節蟲節節有足雙鬚歧尾西  
南處處有之嶺南異物志云珠崖人每晴明見  
海中遠山羅列如翠屏而東西不定是蜈蚣也  
被螫者以烏雞屎或大蒜塗之即愈

蚤蟻人跳蟲也土乾則生春末夏初更盛  
蚊長吻如針生草中者吻尤利螫人甚毒潛確類  
書云涪水中有蟲名子子好屈伸久則蛻為蚊

瓊山縣志

卷三下

輿地八

物產

蟲

六

子子即俗所謂雨水蟲也

俱同上

蛇類

蝮蛇蛇類之最大者能吞鹿豕繞樹出其骨有二  
膽一在腹中一在膚裏遇人擊傷膽即至傷處  
護之故耐擊不死人遇刑預服其膽不致傷命  
故世多珍之獨重膚膽腹中之膽無用也其性  
最淫遇婦人必追之無得脫者急解所繫裙投  
地蛇得裙即盤絞不去人因得殺之皮可為鼓  
捕之之法度其出入之地先釘羅椿數行僅容  
其身土人持橄欖棍伏其中一人出外颺婦人  
福以招之蛇望見即躍高五六尺來逐人人退



入羅椿內蛇到狹處蜿蜒屈伸間人持棍擊之  
且退且擊視其首俯地則無懼矣以葛藤繫其  
頸而牽之

舊志參嶺  
南雜記

簸箕甲其皮黑白相間大毒又有一種赤黑相間  
者名紅簸箕甲土人謂之火甲其毒尤甚

舊志  
下同

危杆類簸箕甲即白花蛇咬人無救

烏稍蛇最毒人傷之不死能隨至人家報讐取浸  
酒能療癘瘋

按本草此蛇性善不噬物傷之不死而報復  
乃黎地之藤蛇非烏稍也

裙帶蛇形細而長似裙帶有毒

舊志  
增

### 瓊山縣志

#### 卷三下

輿地八

物產

蛇

六五

量人蛇長五六尺遇人必豎其身量人長短然後  
嚙之

錦蛇蝮蛇錦紋最毒

箭箴蛇大毒

藤蛇形似老藤纏附樹間裊裊如藤人不知為蛇  
近之即遭嚙最毒

土圭蛇大毒

山鳥蠡一名風稍又名飛稍頭如鳥聲如馬嘶騰  
身逐人惟尾着地

青竹標色純綠亦有一種紅尾者其子胎生嚙母  
腹而出有毒



火蛇紅色大毒

灰蛇有黃灰黑灰小者名刺尾灰俱無毒舊志

七寸蛇大毒

水蛇胎生無毒惟水甲毒與坡甲等舊志

佛蛇無毒

檀蛇大比蚰蛇

四脚蛇又名師蛇俗呼狗母蛇背褐色腹下黃白

助有木點嚙人冷徹骨髓而死土人有藥可救

水橫蛇無毒以上俱舊志

白腹滑其頸獨白大毒新增下同

秤星蛇皮有斑點大毒

瓊山縣志卷三下 輿地八 物產 蛇 六

瘦錫蛇皮如敗錦有毒

海蛇似簸箕甲冬出人初不敢啖今則價與魚等

俱同上

藥類

石菖蒲生水石間不沾土根瘦節密一寸九節者

良舊志

門冬草有麥門冬天門冬二種麥門冬葉青似莎

草而長四時不凋根黃白色形如蓮珠天門冬

葉如茴香蔓生有刺根黃紫色肉白一本數十

枚大如手拈麥門冬味甘天門冬味苦土人以

蜜漬之參郡志



車前子羣芳譜云一名芣苢一名馬舄葉如匙抽  
莖作穗實赤黑色圍莖上長如鼠尾俗呼蟾蜍  
草舊志增

山藥一名薯蕷色白而堅者佳野生者更勝同  
薏苡仁開紅白花結實青白色形似珠而稍長一  
名回回米本草

蒺藜子此杜蒺藜也布地蔓生細葉開小黃花子  
有三角刺人又白蒺藜出同州沙苑舊志增

決明子一名知暮草朝開暮合實如馬蹄草能明  
目種檀處蛇不敢入又草決明即青葙子亦能

明目郡志增

瓊山縣志 卷三下 興隆 物產 藥 六

蒲黃香蒲花上黃粉欲開時取之本事方云有士  
人妻舌忽脹不能出聲一老叟教以蒲黃類慘

乃愈舊志增

蛇床子如小苗而細微炒殺毒則不辣同

忍冬藤一名左纏藤蔓生花必並開一黃一白故  
又名金銀花舊志

乾葛一名野葛藤可作布

茵陳蒿初生苗高三五寸似蒿而葉繁細春因舊  
苗生新葉故名茵陳蒿俱同上

蒼耳一名卷耳一名泉耳子如黑豆而圓有刺在  
處有之東坡云藥至賤而為世要用未有如蒼



耳者多食愈疾乃使人骨髓滿肌理如玉長生藥也其花葉根實皆可食舊志

栝樓藤生根名天花粉舊志

木通古名通草葉如萁麻藤有細孔兩頭皆通舊志

增

萁藤俗名金剛頭可治風舊志

艾莖白色葉分五尖極極上復有小尖五月五日

刈取曝乾以灸百病醫家謂之灸草舊志

稀簽草俗呼黃花其葉圓而末鋸開花微黃實似

鶴虱舊志

水萍大者為浮萍小者為紫藻

項山經卷三 輿地八 物產 藥 二十六

大小蘇類紅藍而多刺小者名小蘇

澤蘭俗呼溼蘭出土分枝梗葉如菊而尖長香氣

類爾能破血具同

小茴香葉如絲髮味類八角枝上青蟲如蠶取治

小腸氣舊州志

紅藍花即紅花葉頗似藍故有藍名博物志云張

騫得種於西域今人家場園多種之花可染紅

又作朋脂主治產後血暈郡志

青菘子即白雞冠花子舊志

按青菘子乃草決明別名雞冠穗如青菘耳

菘水根如生薑有黃青白三色菘生根下似卵而



堅硬味辛少苦多故俗名苦薑生江南者名薑

黃舊志

鬱金本草葉如薑黃但幹起數寸而後葉開根亦

黃舊志

荳草即水紅花似蓼葉而大色赤白同上

香附子莎草根也葉如老韭葉而硬一莖三稜其

根有鬚鬚下結子一二枚子上有細黑毛大者

如羊棗而兩頭尖厚芳譜

紅苧蔻叢生葉瘦如碧蘆春末先抽一幹有大籜

包之籜解花見一穗數十藥淡紅鮮妍重則下

垂如葡萄羅浮志云紅苧蔻即山薑花其根入

瓊山縣志 卷三下 輿地八 物產 藥 三九

藥即高良薑郡志

旋覆花葉似紅藍而無刺夏日開花如金錢菊舊志

天南星根似半夏而大看如虎掌故一名虎掌野

生一箇者佳舊志

使君子一名留求子形似梔子稜瓣而兩頭尖似

訶梨勒而輕及半黃已熟中有肉白色大如棗

核而甘本草唐播州郭使君療嬰兒之疾多用

此物號使君子齊民要術

半夏葉似芍藥根下重生上大下小皮黃肉白今

瓊產葉較圓儋州志

草蒿即青蒿有子者莖葉與常蒿同但色深青而



蛇含草一莖五葉或七葉治蛇傷赤眼風腫諸證

異苑云有田父見一蛇被傷一蛇含一草者瘡

上經日傷蛇乃去田父因取草治蛇瘡皆驗遂

名曰蛇含草根名女青又名雀瓢生朱厓八月

採本草綱目

白芨葉似初生櫻苗開花長寸許紅紫色中心如

舌七月實熟陶宏景云可以作糊本草

貫眾葉似狗脊而大汁能解邪熱之毒舊志增

女青一名萬年枝即冬青亦曰女貞木身大合抱

子青黑色有瓢核亦名凍青粵東筆記

瓊山縣志

卷三下

輿地八 物產 藥 七十

牽牛子枝白者名白丑核黑者名黑丑黑者葉二

尖如楓葉花碧色白者葉圓有斜尖如山藥皆

蔓生處處有之黑者尤多其嫩實蜜煎為果名

天茄氣味苦寒有毒本草芳譜

朝開暮落花即糞上白菌堪療毒瘡舊志

蓖麻子炒熟治癩癰效同上

骨碎補根似薑而扁長有毛黃赤一名猴薑舊志增

何首烏按本草有赤白二種赤者雄白者雌生必

相對其葉亦相對大者狀如山藥各有五稜舊志

羊蹄草一名秃菜葉似菠薐而無歧色青白可治

疥癬禿瘡詩小雅言采其遠陸璣註云即今羊



蹄也舊志增

馬鞭草一名龍牙草一名鳳頭草苗似荊芽搗汁

飲之能消癥瘕齊民要術

劉寄奴一莖直上葉尖長藥黃花白如小菊花實

有白絮子細長似苦蕒子俗名刀斧草舊志增下同

穀精草田中收穀後多有之田低而穀為水腐得

穀之餘氣結成此草一名戴星草

槐角即槐實單子及五子者勿用

三柰根葉皆如生薑味辣與甘松良薑皆入香科

俱同上

蒲公英春初生田園中葉如苦苣有細刺心中生

瓊山縣志卷三下

輿地八物產藥

莖出一花黃如金舊志下同

海金沙莖高一二尺葉如半夏而硬

地丁本草四時常有花子老隨絮飛落處即生俗

名土松子

夏枯草葉似旋覆春至開花作穗五月初枯俱同上

檳榔去殼焙乾雞心尖長破之作錦紋者良俗謂

之榔玉舊志增

側柏葉柏有數種葉扁而側生者名側柏塊雅

桑寄生葉如橘而軟厚莖似槐而肥脆寄生樹上

不藉於土惟桑上生者堪入藥舊志

巴豆巴菽也樹高丈許實有大毒最能瀉人俗呼



白蒲子舊志

桑白皮用土內東向根皮良出土外者殺人舊志

藿香形如都梁香似蘇合去惡氣止霍亂及心腹

痛出瓊山澄邁者佳郡志

山茱萸實如芙蓉味辛通九竅舊志

山梔子方書所謂越種小而多稜者佳舊志

木鼈子蔓生葉似苦瓜實亦如之兩頭尖短而大

子形如鼈同上

海桐皮皮白堅韌作索不爛舊志

陳皮即橘皮陳久者良

青皮橘之青而未黃者俱同上

瓊山縣志 卷三下 輿地八 物產 藥 七十一

楮實子實如楊梅生青綠熟漸深紅凡九月采名

栝桃一名穀實羣芳譜

益智子如筆頭雜五味中極芬芳可下酒亦可鹽

臘及作糲食晉盧循遺劉裕益智糲即此也李

時珍曰脾主智此物能益脾胃故也與龍眼名

益智義同東坡云海南產益智花實皆長穗而

分爲三節觀其上中下節以候早中晚禾之豐

凶郡志

鹿茸分歧如馬鞍形者有力本草云茸不可與能

傷人鼻舊志

牡蠣海氣化成純雄無雌故名牡舊志



龜板大者力勝自死敗龜板得陰氣更全上同

鼈甲有九肋者為勝生取去肉更佳舊志

桑螵蛸即螳螂卵生桑上者房長寸許有子如蛆

芒種後齊出故月令仲夏螳螂生也舊志增

海螵蛸烏賊魚之骨舊志

石決明如小蚌而扁惟一片無對七孔九孔者良

舊志增

白僵蠶白色而條直者為佳四月取勿着溼溼則

有毒舊志

原蠶蛾是家養名晚蠶上同

蟬蛻蟬類甚多惟大而色黑者入藥舊志增

瓊山縣志 卷三下 輿地八 物產 藥 三

蛇蛻石上完全者佳舊志下同

蜣螂滾丸蟲也

斑貓豆葉上者佳脚甚毒

蚺蛇膽醫家重之浮水面而迴旋行走者真

螻蛄即大土狗夜出者佳

穿山甲本草名鱗鯉甲

石蓮子蓮之黑而沈水者舊志增

菴摩勒即餘甘子形味類橄欖

薄荷本草可療病不宜食

紫貝草未詳

紫蘇面綠背紫色氣甚香不香者為野蘇



鳳尾草葉附莖對生每邊各七八葉木寬以漸而

狹頂尖儼如鳳尾可治癩舊志增

山總管樹高四五尺葉可解諸毒土醫謂之藥母

見血愁本名茜草方莖中空數寸一節其葉對生

而有斜紋兩邊共八條邊碎尖如箭可以染絳

鄭風所謂茹蘆即此醫家取以散血

接骨草叢高二三尺葉似柳莖有節跌傷者取裹

之效詳草類

柳豆葉小兒痘疹初愈土人取以煎浴

藥香黃熟香水之枯朽而成者宜入藥詳香類以上俱舊志

益母草即本草芫蔚用治胎產諸病一名返魂丹

瓊山縣志 卷三下 輿地八 物產 藥石七

儋州志

枸杞花葉根實並可食輕身延年一名卻老新

石類

土石土之堅而似石者山中水流成礮處多有之

舊志增

白石瑩潔如玉出縣南六十里白石都同上

水晶石有五色朗澈如削冰月出叢談云中州水

晶皆為玩好五指山傍滿山皆是望之如雪而

光影過之人取以為假山有高至丈餘者郡志

琅玕石潔白如玉與珊瑚形同而色異庚辛玉册

云生南海崖石內似珠而赤政和本草



礪石出東石山者佳能發刃舊志

火石用以擊火山出西黎山者佳同上

浮石水沫所成宋俞璞云石入水則沈而南海有

浮水之石郡志

羊肚石形似羊胃舊志

碁子石舊志  
永詳

布帛類

葛布出瓊山澄邁樂會臨高者為美人葛通志

蕉布芭蕉莖如芋取雙煮之如絲績為絺俗謂之

蕉葛異物志  
廣志

麻布俗謂波羅麻所在皆有之其出定安文昌者

瓊山縣志 卷三下

輿地八 物產 布 七五

尤細如輕綃群志

吉貝布泊宅編云木棉紡績為布名曰吉貝海南

蠻人織以為巾上出細字雜花卉尤工巧即古

所謂白疊布舊志  
增

兼絲布經或麻或絲緯則綿舊志  
○按此布今經不復用絲

絲布黃白二色同上

土綢繭緒略麤舊志  
增

經布極厚實舊志  
增

鵝毛布以鵝毳間色絲織成人物花鳥黎人以之

為衣名曰黎錦舊志  
增

椒布縷眼如胡椒舊志  
增



花破用藍澱印為花卉

黎幔一名黎幕金絲者為上虞衡志云出海南黎

尚今多出崖州俱同上

飲饌類

天門冬酒東坡在海南作以米麥水三者為之志林

老酒烏芒稻米蒸飯冬至日釀陳而後用舊志增下同

鹿蹄酒以鹿蹄筋釀

燒酒性甚嚴以陳者為貴

黃酒色與金華酒同俱同上

三白酒舊志○未詳

都拾酒搗都拾子釀成舊志

瓊山物志卷三下 輿地八 物產 飲饌 七方

荔枝酒以鮮荔釀成味極香郡志

菊花酒以菊花研末拌入糯米飯內如常釀法舊志增

膏梁酒性比燒酒為更嚴謂之膏梁燒同上

桂酒以桂花釀東坡有桂酒頌粵東筆記

甜酒以糯米蒸飯入麴裝入甕內覆之以草旬日

後即成舊志增

山柑酒以山柑子釀成同上

黃桐酒以桐子釀成味極美郡志

桑寄生酒以桑寄生和燒酒釀之色白味清冽張七

雜錄



龍眼花酒以龍眼花浸之

粵東筆記

粟酒以鴨脚粟釀味頗淡

郡志

番薯酒以番薯釀土人謂之村膠

同

茶瓊山文昌出近儋州者佳

舊志

苦荬茶樹若刺桐叢桂葉大而澀其味最苦俗常

以之和茗烹

舊志

茶苟

買梅茶

舊志

野茶一名靈茶即江南黃連茶也

舊志

花椒苗蔓生結子相對以皮皺粒小色黑者為良

舊志

吳茱萸似檄而大子聚成房俗呼辣子又呼食茱

瓊山縣志

卷三下

輿地八

物產

飲饌

七

黃九日折之以插頭可以辟惡

同

落花生油有去殼榨者有帶殼榨者邑人家常用

此郡志

芝麻油甘香最宜入饌

舊志

山柚油婦人用以澤髮亦可食出文昌者良此外

又有桐油

同桐油也入漆

蓖麻油

和印

柏油

療嬰兒

核

桃油

烏髭

海棠油山竹果油

然點二者

皆不入

食品

同

鹽有生熟二種

郡志

醋有二種浙醋水醋

同

醬用麥麩米豆罨黃加鹽曝之

正字



糖名頗繁不外為白赤三種為者糖塊白者糖霜  
霜有二日結粉曰貢粉曰上洋赤塊有厚有薄  
瓊之糖其行至遠白糖則貨至蘇州天津等處

郡志

蜂蜜俗名蜂糖白如膏者良其滓即謂之蠟有黃

白二種白者可食舊志增

蜜製天門冬益智子波羅蜜檳榔青梅其味更佳

舊志

曬蜆盛夏取生蜆以酒鹽蘇麻拌之曝乾下酒最

佳同上

魚鱮魚之白脬中空如泡者也鰻鱺魚石頭魚脬

### 瓊山縣志 卷三下

輿地八 物產 飲饌 六

皆可充饌正石首魚脬並可作膠舊志增

海參出海中狀如水蛭取以作脯色黑小而薄亦

有刺參出臨高郡志

苗醬六七月間取小海鰓授以鹽酒裝入甕中

候其味和嘗之士人每飯必設新增

### 器用類

纏椽器為酒壺茶壺之屬舊志

漆器疊漆雕漆有剔紅剔黑諸色同上

藤器金藤為筋遇青則爛五色藤為簞瓊枝為席

為盤及屏風盃甲馬鞭之屬粵東筆記

雕帶舊志

未詳



紅竹簞方言謂之筴

舊志

椰榼椰殼為之用以汲水

舊志

椰冠蘇過常寄雷與叔子由

舊志

椰杯椰樹有一種專生小子殼堅厚取製為酒杯

白色者尤貴注酒遇毒輒沸起唐李衛公征蠻

時常配一椰杯於玉帶環中

舊志

鷓鴣杓磨海螺殼為之

舊志

銅鼓漢時所遺

鷓鴣杯螺殼為之形如鷓鴣用金銀鑲嘴以為酒

器

黃子木挂杖東坡製寄雷與子由為生日之壽

瓊山縣志

卷三下

輿地八

物產

器用

七九

金剛子圓如彈堅實不朽僧尼製為數珠

俱同上

皮有牛皮 鹿皮 麋皮 山馬皮 獺皮 蝟

蛇皮 檀蛇皮 沙魚皮

志

笠有油紙笠 篾笠 簞笠 葵笠 藤笠

郡志